

Nipisanniarneq pillugu Namminersorlutik Oqartussat nalunaarutaat

Aalisarneq pillugu Inatsisartut inatsisaanni nr. 18, 31. oktober 1996-imeersumi § 10 a, § 10 b, § 13, imm. 2, § 23, imm. 1, § 33, imm. 2 aamma § 34, imm. 3 malillugit, kingullermillu aalisarneq pillugu Inatsisartut inatsisaatigut nr. 28, 28. november 2016-imeersukkut allangortinnejartukkut aalajangersarneqarpoq:

Atuuffia

§ 1. Nalunaarummi pineqarpoq tunngaviusumik killeqarfip avataani 3 somiliimiittup sineriaallu akornanni sumiiffimmi Kalaallit Nunaata aalisarnikkut oqartussaaffigisaani nipisanniarneq (*Cyclopterus lumpus*).

Aqutsiveqarfik

§ 2. Nipisanniarnermi aqutsiveqarfik ilanngussaq 1-mi aalajangersarneqarput.

Nassuaatit

§ 3. Nalunaarummi matumani uku imatut paasineqassapput:

- 1) "Piffissaq aalisarfusoq" ullut aalisarfiusut 60-it ataqtigiissut.
- 2) "Usinik nuussineq" pisaniq taakkuninnaluunniit tunisessianik angallammiiittunik umiatsiaaqqamiittunilluunniit angallammut umiatsiaaqqamulluunniit allamut nuunneqartut tamarmik, nuunneqartut usit tamarmiunersut usilluunniit ilaannarineraat apeqqutaatinngagu.

Akuersissut

§ 4. Inuussutissarsiutigalugu nipisanniarnermi aalisarsinnaanermut akuersissut qinnuteqartoqarnera malillugu Aalisarnermut Piniarnermullu Naalakkersuisoqarfimmit tunniunneqartartoq piumasaqataavoq.

Imm. 2. Qinnuteqarnermut immersugassaq www.sullissivik.gl-mi pissarsiarineqarsinnaasoq qinnuteqartunit atorneqassaaq.

Imm. 3. Ukiumi pisassiiffiusumi ataatsimi aqutsiveqarfinnut marlunnut akuersissummik qinnuteqartoqarsinnaavoq. Aqutsiveqarfik sumiiffik qinnuteqartup najugaqarfia kiisalu aqutsiveqarfik sumiiffik sanilerisaq.

Imm. 4. Aalisarsinnaanermut akuersissutit piffissamut killiligaapput annerpaamillu pisarineqarsinnaasunut akuerineqartunut attuumassuteqaratik.

Imm. 5. Angallatinut inuussutissarsiutigalugu nipsanniartunut, aalisarnermut angallat atorneqartussaq qinnuteqartup pigippagu akuersissut aatsaat tunniunneqassaaq.

Pisassiissutit piffissarlu aalisarfusoq

§ 5. Aqutsiveqarfinnut ilanngussaq 1-mi aalajangersarneqartut naapertorlugit nipsannik pisassiissutinik ukiut tamaasa Naalakkersuisut aalajangiisarpuit.

§ 6. Aalisarnermut Piniarnermullu Naalakkersuisoqarfimmit aalisarnermut piffissami aalajangersarneqartumi inuussutissarsiutigalugu arnarlunnik nipsanniarmeq taamaallaat akuerisaavoq, tak. § 8, imm. 1

§ 7. Inuussutissarsiutigalugu inuussutissarsiutiginagulu angusallunnik nipsanniarmeq piffissami 31. januar 31. marts ilanngullugu taamaallaat akuerisaavoq, taamaattori tak. imm. 2.

Imm. 2. Piffissani aalisarfiusussani Aalisarnermut Piniarnermullu Naalakkersuisoqarfimmit nipsannut arnarlunnut aalajangiifflusuni aamma inuussutissarsiutigalugu inuussutissarsiutiginagulu angusallunnik nipsanniarmeq akuerisaavoq, tak. § 8, imm. 1.

§ 8. Aqutsiveqarfinni ataasiakkaani tamani, tak. ilanngussaq 1, najukkani tunitsiveqarfit aalisartullu peqatigiiffinit sinnisaasa oqaloqtigereernerini, inuussutissarsiutigalugu arnarlunnik nipsanniarnermi piffissat aalisarfissat qaqugu aallartinneqassanersut Aalisarnermut Piniarnermullu Naalakkersuisoqarfik aalajangissaq, tak. § 7, imm. 2.

Imm. 2. Aallartinnissamut ulluliunneqartoq tamanut saqqummiunneqartinnagu aalisarnerup aallartinnissaanut piumasaqaatit pillugit naammassineqarsimanersut aalisartut ataasiakkaat misissuinissaanut Naalakkersuisoqarfik akuerissuteqarsinnaavoq.

Imm. 3. Arnarlunnik nipsanniarnermut piffissaq aalisarfiusussaq piffissami 1. april 16. Juli ilanngullugu aallartinneqarsinnaavoq.

§ 9. Aqutsiveqarfinni ataasiakkaani tamani piffissat aalisarfiusut pisassiissutillu pillugit nalunaarutit, tusagassiuititigut aamma Naalakkersuisut nittartagaatigut Aalisarnermut Piniarnermullu Naalakkersuisoqarfimmit nalunaarutigineqassapput. Taamatut pisassat tamarmik pisarineqarnerat nalunaarutigineqassaaq.

Imm. 2. Aalisarnermut Piniarnermullu Naalakkersuisoqarfip aqutsiveqarfimmiaataatsimi piffissap aalisarfiusup naanerata kingorna pisassiissutit pisarineqanngitsut aqutsiveqarfimmil allamut nuussinnaavai.

Imm. 3. Aqutsiveqarfimmipineqartumi nipsanniarnermut piffissat aalisarfiusussat aallartinnissaat kingusinnerpaamik sapaatip akunnera sioqqullugu Aalisarnermut Piniarnermullu Naalakkersuisoqarfip nalunaarutigissavai.

Usinik nuussineq

§ 10. Aalisarsinnaanermut akuersissuteqartup nammineq umiatsiaaraata aamma nammineq angallataata akornanni usinik nuussisinnaanermut akuersissut aalisarsinnaanermut akuersissuteqartup angallataa inuussutissarsiutigalugu aalisariutaappat Aalisarnermut Piniarnermullu Naalakkersuisoqarfimmit tunniunneqassaaq.

Imm. 2. Usinik nuussisinnaanermut akuersissut aalisarsinnaanermut akuersisummi tunniunneqartumi takuneqarsinnaassaaq.

Imm. 3. Usinik nuussineq nalunaaruteqartussaatitaanermut ilaangilaq.

Inuussutissarsiutiginagu nipsisanniarneq

§ 11. Inuussutissarsiutiginagu nipsisanniarnermut atatillugu amerlanerpaamik qassutit marluk atorneqassapput.

Imm. 2. Piujuartitsineq siunertalarugu aalisarnerup teknikikkut iluarsartuussivigineqarnera pillugu nalunaarummi sukkulluuniit atuuttumi nigartat angisussaat akuerisaasut takuneqarsinnaapput.

§ 12. Inuussutissarsiutigalugu arnarlunnik nipsisanniarnermut piffissami aalisarfiusussatut aalajangiiffiusumi tassani taamaallaat inuussutissarsiutiginagu arnarlunnik nipsisanniarneq akuerisaavoq, tak. § 8, imm. 1.

Atortunik qalluineq qassutinillu qimaannakkanik qaqlitsineq

§ 13. Aalisarneq unitsinneqarpat nammineq atortorisat ingerlaannaq qaquinneqassapput.

Imm. 2. Piffissap aalisarfiusup taamaatinnerani atortut qaquinneqangitsut pisortanit qaquinneqarsinnaapput.

Atortut qaquinneqassapput piginnittup akiligassaanik, taassuma kinaanera paasineqarsinnaappat.

§ 14. Qassutit aalisarnerup unitsinneqarnerata kingorna ullut arfineq marluk kingorna qaquinneqarnikuunngitsut qassutinik uninngatitsiinnartoq kinaassusersineqarsinnaanngippat inunnit namminerisamik qaquinneqarsinnaapput tigummiinnarneqarlutillu.

Pineqaatissiinerit

§ 15. § 4, imm. 1-mik, §§ 6, 7, 10, 11, 12 aamma 13-mik unioqqutitsineq pinerluttulerineq pillugu inatsimmi malittarisassat malillugit akiliisitsinkkut arsaarinninnikkullu pineqaatissiinerik kinguneqarsinnaavoq.

Imm. 2. Ingerlatseqatigiffit il. il. (inatsisitigut akisussaaffimmik tigummiartut) pinerluttulerinermut inatsimmi malittarisassat malillugit akiliisitaasinnaapput arsaarneqarsinnaallutillu.

Imm. 3. Akiliisitsissutit tak. imm. 1 aamma 2 Nunatta Karsianut tutsinneqassapput.

Atuutilersitsinermut atorunnaarsitsinermullu aalajangersakkat

§ 16. Nalunaarutip nalunaarutigineqareernerata aqaguani atortilissaq.

Imm. 2. Nipsisanniarneq pillugu Namminersorlutik Oqartussat nalunaarutaat nr. 22, 22. juni 2021-meersoq atorunnaarsinneqarpoq.

Namminersorlutik Oqartussat, ulloq 9. februari 2024

Kim Kielsen (atsior.)

Aalisarnermut Piniarnermullu Naalakkersuisoq

/ Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut